





第一一五一冊

四庫全書

●上海古籍出版社

本冊目次

格	梅	廷	奏	梅	梅	附	香	蒙	官
齋	溪	試		溪	溪	有	山	隱	教
四				前	後	宋			
六	集	策	議	集	集	龍	集	集	集
						閣			
						學			
						士			
						王			
						公			
						墓			
						誌			
						銘			

宋 王子俊撰……………一

宋 王十朋撰
宋 王聞禮編……………四五

宋 汪應辰撰

宋 喻良能撰……………六三九

宋 陳 棟撰……………七五一

宋 崔敦禮撰……………七七九

欽定四庫全書

集部
格齋四六

詳校官庶吉士臣翁樹培

主事臣呂雲棟覆勘

總校官知縣臣繆琪

校對官中書臣高中

騰錄監生臣毛大瀛

欽定四庫全書

集部四

格齋四六

別集類三 宋

提要

欽定四庫全書

格齋四六

臣等謹案格齋四六一卷宋王子俊撰子俊字才臣吉水人官成都帥幕嘗從楊萬里周必大將為代草殿奏書記二人延譽於朱子朱子書格齋二大字遺之所著有史論師友緒言三松類藁諸書俱已不傳此書原本題作格齋三松集蓋猶類藁中之一種散佚僅存者朱彝尊曝書亭集有是書茲稱抄得宋本格齋四六計一百二首今檢勘首數相同當即彝尊所見之本也楊萬里嘗評子俊之文謂史論有遼園之風古文有韓柳之則詩句有蘇黃之味至於四六雖六一東坡之步武超然絕塵自汪彥章孫仲益諸公而下不論也其推重之甚至今其他文雖已湮沒不

復見而此集所載四六類皆典雅流麗卓然
自成一家朱彝尊亦謂其由中而發漸近自
然無組織之迹以之接跡汪孫洵可無愧色
矣乾隆四十六年三月恭校上

總纂官臣紀昀臣陸錫熊臣孫士毅
校官臣陸費墀

欽定四庫全書

格齋四六

三

欽定四庫全書

格齋四六

宋 王子俊撰

表成

光廟登極

賀皇帝

皇天佑宋清道揖遜之朝太人繼離益茂延洪之業華

夷胥悅天人大和

中賀

皇帝陛下聖敬日躋聰明時憲

欽定四庫全書

格齋四六

克勤克儉不矜夏禹之能乃聖乃神廣運唐堯之德自
毓元良之望允若神天之心屬黃屋之儔勤願青宮而
與子臣鄙琛拱率百官若帝之初典禮交修輯五瑞如
器乃復於皇聲實橫絕古今臣遠守偏州親見盛美雖
莫陪朝著對揚天子之休第嘉與邦人謳歌吾君之子
賀壽皇聖帝

恭默思道乃倦於勤付託得人亟授以政再見唐虞之
相繼力行曾閔之所難中賀陛下道塞堪輿仁覃動植

退藏於密益與天而為徒怵惕以興寧以位而為樂世
靡靡以無事功巍巍而不居述與同康釋免之心且為
長樂問安之孝允恭克讓莫匪循堯惟一執中復以命
禹啟自九重之志光於二典之書某出守偏州獲聞盛
典曾是隆興之進士敢忘繁榮向日之心願祝聖人之
遐齡少致犬馬戀軒之意

賀太皇太后

聖子神孫本源有自盛德大業揖遜相承尊歸長樂之
欽定四庫全書

郊廟四六

二

朝喜溢靈椿之蔭中賀竊以履降鳩酒莫逮與子之誕
思齊大任弗暨廣聲之世未有再見唐虞之相投躬行
曾閭之所難蒙冕兩朝同持壽筭車書萬國咸得惟心
振古所無於今初見太皇太后柔儀天稟陰教日隆周
南王化之基儀於四海明德大練之服燕及六宮恭哉
積善之祥啓乃重明之運以天子父來殫就養之勤惟
地執坤永載無疆之福臣叨承一障喜遇昌辰不惟嘉
與邦人同躋仁壽之域又將推廣上意益覃孝愛之風

賀皇太后

堯父舜子增光虞典之書文德武功推本思齊之聖允
極敷天之養式彰文母之尊惟聲所覃薄海如一皇太
后仰承宸極俯盡坤儀寶老氏之儉慈率先九御流關
雎之風化追配二南當上聖之倦勤挈洪圖而與子地
無私載願豈以九州四海而自居天有常親將俾之萬
有千歲而未艾此舉之懿古人所無某屬守郡符與聞
盛事亦老吾老以陶錫類之風匪令斯令長致後天之
祝

欽定四庫全書

郊廟四六

三

賀肆赦

歷數在躬溥萬年之景命雷雨作解洽四表之懷心凡
蒙一洗之恩皆圓重熙之化皇帝陛下聖由天縱德乃
日新毓德春宮恪謹文王之視膳非心黃屋適逢虞舜
之倦勤勉承不再之言嗣守無疆之厯茲茲有衆孰非
壽皇所養之民咸與為春俾沐嗣聖惟新之澤肆推曠
蕩之典以答遐邇之心恢然天地之施生鼓以風雷之

號令臣叨守下郡與宣克恩躬遇繼離之明不私臨照
喜偕扶杖之老日與謳歌

光廟冊后

賀皇帝

日有重輪已見承堯之慶舜月無私照又符興夏之塗
山禮肅宮闈懽操海嶽中賀陛下嗣膺大統祇奉聖護
於問安侍膳之餘親承慈訓俾求賢審官之助正位長
秋藹然二南之風施及四方之遠臣茲焉宣化乃爾逢
欽定四庫全書
辰陰陽既和年穀有順成之望夫婦以正室家無愁歎
之聲

賀壽皇聖帝

已釋重負猶深燕翼之謀俾建長秋以謹齊家之法事
闕九廟惟動四方陛下宅帝倦勤順天與子嘉乃丕績
既深亮其有不爭功不爭能之心惠于宗工又欲使之
得同時怨因時憫之福乃涓穀旦俾正采儀聖聖來朝
共闡聖人之孝風教所逮益隆王化之基臣出守偏州

恭承明詔家道正而天下定幸當極治之朝人倫明而
小民親是亦承流之幸

賀皇太后

天錫眉壽親見堯舜禹之傳世有戲音追配姜任如之
盛有華象服來觀慈闈皇太后母儀三朝表正九御稱
觴上壽耄耋是旒聖聖之尊念飴弄孫益介山阜岡陵
之福臣假守遠郡獲聞盛儀誦思齊之詩不謂適當於
今日祝金母之算所願不老於後天

欽定四庫全書

恭奉四六

五

賀皇后

倪天之妹行坤順以無疆如月之恒配離明而並照事
闕宗社惟勤華茂恭惟皇后陰教聿修柔儀允正大任
京室之婦惟思媚於周姜明德大練之衣以奉承於陰
后光膺寶冊董正宮闈闔雝王化之基載嚴正始之道
既醉室家之壺永底太平之期臣假守偏州獲聆盛典
職當宣化忻逢人倫正朝廷治之時氣可致祥又有陰
陽和風雨時之望

重明聖節

賀皇帝 代楊待制

占長發之祥具曉天休申命之意授泰元之策殆非人力所致之符靈時戴夙之辰對越無疆之慶恭惟陛下聰明天縱聖敬日躋受漢岳之三呼答揚景命敘箕嘒之五福敷錫庶民矧侍慈闈並受遐祉我百兩九十何啻夢齡之期心一臣三千同致後天之禱照臨所及拱蹈攸同臣身墮江湖名在簪橐望蓬萊之雲氣雖莫陪鵷鷺之班奉瑄玉於竹宮幸獲祝乾坤之美

欽定四庫全書

格韻四六

六

賀皇帝

亦惟純佑是開震風之祥肇錫嘉名丕闡離明之照惟騰四海若出一詞陛下舜典克從禹中允執天畀所覆是以顯生商之符日宣重光矧復纂體克之運庸紀誕彌之旦以對無疆之休臣邈在偏州與聞盛典雖莫陪通列華漢殿萬歲之觴第欲效小忠上唐臣千秋之錄

賀壽皇聖帝

心一臣三千願紀嘉名於盛際我百兩九十益中景命於前規時哉索震之辰展也繼離之義陛下循亮之極蹈舜倦勤綏眉壽而及皇天克昌厥後昭孫謀而燕翼子無疆惟休迨聿崇虹渚之符茲益見龍樓之慶臣與聞盛典邈在外庸銓千秋於九齡之書曾未有金鑑之作呼萬歲於兩儀之宴會當見頡利之擒

賀壽皇太后

渚虹啓聖光開萬世之休爪跡生民殊非一日之積瞻言此舉厥有自來殿下應地無疆後天不老周姜思媼訓致武王之生有城方將是開相土之烈親見神孫之

欽定四庫全書

格韻四六

七

嗣服載光初度以錫名臣假守孤城茲逢盛典不但喜其嘒之福敷錫庶民又將賦周頌之篇亦右文母

賀壽成皇后

重離明而麗正丕昭繼照之期履帝武而敏歆寔肇生民之福粵惟顯號侈乃昌辰若稽積慶之源休有發祥之自殿下表正九御母儀兩朝太似嗣徽音本支百世

王母坐少廣壽考萬年肆令節之紀名宣意聞之燕喜
臣茲焉乘障乃爾逢辰雖未紀唐臣之風來上十篇之
書舉所哀託虞帝之化以得萬國之惟心

皇子降生代楊武肅

賀皇帝

宵祗賡社將延洪過歷之占弓獨應祈庸對越承祧之
任事闕九廟帷洽四方陛下靈承天心駿惠祖武民胥
嘉靖皆教華封之祝克神無怨惻靡係高禩之祠漢駕
欽定四庫全書
生元子式應熙辰臣不謂凋年見此遐福身雖老矣子
孫與有於榮懷心寔忻然手足不知其舞蹈

賀太上皇帝

聖人退藏於密壯高與子之謀上帝申命用休祚以抱
孫之喜人胥相慶情不自勝陛下文顯丕謨湯岳後裕
龜龜湯湯自賤則天之功名穆穆皇皇誕啓宜君之孫
子萬生攸難之賀益固延洪之基永孚邦休顯有祖烈
臣官庠荷榮職在祝釐無強惟休宜但為熙朝之賀不

顯亦世又以假後裔之靈

賀太皇太后

於皇景鑠啓乃承祧之英長發靈源豐惟積善之慶仰
止無疆之壽見此滋至之休下逮遐荒舉同拱蹈中賀
竊以有娥王子不聞宅至養於四朝明德弄孫未有閑
元嗣於五世赫是盛美曠無前聞殿下厚德鄧隆徽音
逾永脩時五福坐享萬年之期寶是一慈陰格三靈之
佑肆良嘉慶以啓元良宮是俾昌茲復見天子之子遐
齡未艾更將抱元孫之孫臣遜聞榮懷深忻舞雖奉
瑄是職乃不待高禩之祠第擊壤攸同以自慰華封之
祝

欽定四庫全書

格致四六

九

賀皇太后

天惟純佑嗣開萬世之休神罔時惻殊非一日之積贍
言以喜服有自來惟聲所覃薄海唯一殿下柔嘉維則
淑慎其儀母慈婦順之兼隆軼於今古人心天意之叶
贊施及後來相時主聖之惟想見抱孫之喜某官維持

素職在祝釐無彊惟休宣但為國家之賀不顯亦世又
以假子孫之靈

賀太上皇后

月無私照方助成與子之謀星有重暉乃不負美孫之
願慶闡九廟福萃重親殿下應地無疆後天不老周姜
思媚馴致武王之生有城方將是開相土之烈親見神
孫之岐嶷鄧隆寶祚之熾昌臣墮在山林賤修香火不
但起華封之意請祝聖人又將歌周頌之篇亦右文母

欽定四庫全書

格韻四六

十

賀皇后

坤元底順昭格三靈之休震索發祥上闕九廟之慶照
臨攸暨并蹈石同殿下外惠宗公內隆陰教神罔時怨
有開熊夢之占天惟顯思於赫龜圖之福肇允元良之
望寬軍岐嶷之資邦永享於休民亦職有利臣身雖在
外喜則由衷稽首漢殿之觴雖莫參於鵷綴傾耳堯門
之瑞寔深漱於葵心

孝宗大祥 代楊誠齋

慰皇帝

錯燒海經於改火尚深追慕之懷彈琴未忍於成聲勉
狗祥除之制陛下皇圖是荷祖武斯繩一日萬幾率循
兢業之攸訓三載四海寔均過密之至情逮茲即吉之
辰諒有無窮之感願臨立中之制益光潤業之傳

慰太上皇帝

歲滿海更恍如過隙祥琴甫仰慘不成聲勉遵改服之
期未慙終身之慕聖安仁壽皇帝陛下繼文廣伐臨舜
傳勤三年稱情而立文下狗居廬之禮百官承式而稟
令因決與子之謀迨此既祥之餘猶有愈避之痛願抑
情文之感式慰臣子之心

欽定四庫全書

格韻四六

十一

慰太皇太后

逝川云云慨仙遊之莫返閱日鼎鼎悅歲律之再周悵
然餘恫臨此中制殿下情鍾慈極仁惻宸衷萬乘天臨
緬懷法駕之致養三年電過忍聽祥琴之成聲惟深思
禮制之有終以益介壽昌於未艾肆令字縣永有母儀

慰皇太后

望蒼梧之峯愈覺音容之遠惟音道之日再見經驪之周尚深送往之哀迺狗葬祥之制殿下性鍾地順痛切天摧錦袂衣而弗安何意並陳於象服禪雖垂而勿樂忍聞復奏於霓裳撫綴衣而增懷感流光而永歎惟茲臣庶皆斷慈抱之少寬俾爾熾昌以相遐齡於有永

慰太上皇后

日月其除奄暨葬祥之制琴瑟在御肇開過密之音重

欽定四庫全書

格第四十六

上

時至情尚有餘慕殿下母儀寰宇婦順歷年佳婦佳兒永懷昔者之付託厚恩厚報凡即令茲之祥除諒深追孝之悲猶減感時之流願體復生之節庸肩介壽之期

慰皇后

日月逾邁奄易服以荐祥而露既濡尚感時而減淚餘惻未慙寰宇丕同殿下夙謹柔儀共宏孝治三聖相授一道陰相九重之纂承四海過密八音已畢三年之禮

帝願抑無窮之感以絃滋至之休

郊祀代書竹坡

賀郊祀禮成

嚴恭自度罄丹衷之純誠緼豫為紛輯紫壇之熙事四方來賀萬福攸同協氣塞乎堪輿歡聲播乎海岳陛下聰明時憲聖敬日躋肇新萬化之原敷錫庶民之福夕烽息警人皆耒耜之毗秋稼登場家有倉箱之積戴念降康之自聿嚴報本之祠多士駢奔贊丕天之鉅典千童羅舞陳昭代之彌文咸秩百神大賚四海臣久違北闕隔在西陲涓選休成幸獲再逢於盛際肅雖顯相莫絲一覩於棣容第借扶杖之民同泳涵泉之澤

賀郊祀肆赦

歲儀吉土敬共三歲之祠肆耆端門敷錫庶民之福渙發風雷之號沛為雨露之仁凡在照臨舉同慶賴竊攷聖人之饗帝蓋承天意以惠民隴祉發祥具獲靈明之博貺赦過宥罪是覃汪濊之湛恩陛下道冒堪輿恩柔動植遠邇不聲皆為來王來享之人年穀順成復見多

欽定四庫全書

格第四十六

上

泰多徐之世爰對一陽之律載祗八陛之壇昭升於天
半嚴熙事有秩斯祐燕及函生臣墮在遠方獲聞盛舉
莫陪多士執篋豆以駭奔第與遠民想笙鏞而歌舞

冊太子代竹坡

賀冊皇太子

春宮載極有開震索之祥寶冊揚庭肅鼓奠申之疏慶
闕九廟風動四方陛下堯大難名舜恭允靈天職履地
職載莫前休功月重輪星重輝蓋圖大計眷乃承祧之

欽定四庫全書

卷四十六

七

重居無在傳之動爰消選於剛辰俾光膺於殊禮臨軒
出令示一人有慶之符主壺得人兆萬世無疆之福照
臨所逮頌詠惟均臣昔參綺結之游今辱嚴徐之侍靈
源暨遠子孫與有於華懷并悃發中手足不知其舞蹈

進書

代進光宗御集

靈澤為章莫闕寶儲之彩風雷作號俾緡金匱之藏勒
成一經昭示萬世中謝竊以聖人肆筆初何意於成書

天下觀文乃有功于範俗繁隆昭代邁駿先猷恭詔編

摩之臣彙列昭回之次煥然可述施及無疆恭惟先宗

皇帝學富月將聖高天縱得書之體得言之解上掩百

王如日之升如月之恒下飾萬物時昔燕聞之御從容

翰墨之場周文郁郁乎宏育盈成之治虞書渾渾爾在

昭精一之傳陛下聲欲廣文道能繼禹作者之謂聖敢

忘繼志述事之心得其所以書洞見經天緯地之妙肆

命臣工而纂緝載揚帝典之光華細帙縑囊寶為大訓

欽定四庫全書

卷四十六

七

亦文錄字皆聚此書臣等猥以謏聞膺茲隆旨玩歲愒
日空彈淺見於常閱血指汗顏深覺聖言之天遠

代進重修七司令

制而用之謂之法所期合古而便今變而通之存乎時

當亦舉偏而補弊立為成憲允屬昌辰肆令億兆之心

具晚畫一之意中謝

竊以著為律疏為令要皆所以範

民作者聖述者明亦共國於經世必揭始觀之象用陶

不倦之民以時纂修為世檢押陛下堯綱具舉舜法可

傳左規右矩前車後鏡以為民極詳法畧則本數未度則有司存粵徒實厯之紹承成仰聖謨之宏遠五服薄四海膺使指而畢從八統御萬民網在綱而不紊猶恐弊生於所忽殆將功敗於已成爰制詔於臣鄙俚科條於令甲布在方冊允釐百工鳬居鴈聚之浩繁同歸於治金科玉條之明白可舉而行勒成一代之書庸示九圍之式臣等賦材謏薄庀職凌兢繼屠窮年空玩歲月而何補奉命承教乃得聖王而為師維幸及於奏篇猶欽定四庫全書

臣等謹

奏

代謝賜恩

欽定四庫全書

臣等謹

奏

雜謝

代湖莊憲謝到任

竊符起廢已愧僥逾持節觀風又叨臨遣星言于邁夙次所臨伏念臣草芥人微斗筭器小紳笏三十載何有寸功風波千萬端止欠一沓屢承棘寺出守山城謏言驟興政坐過客尉傳之故公論既定復見中天日月之明方拜命於州麾忽疏榮於指使惟是重湖之外實連三

楚之區民雖蠻犛地控邊鎮渺焉蒲澤之深阻甚者潢池之繹騷自非酌寬猛之宜是必負澄清之寄有如抗拙曷稱使令茲蓋伏遇皇帝陛下蹈舜好生傳湯祝網欲妙按臨之選以將欽恤之仁謂使過賢於使功將觀後效而聽訟不如無訟何必能聲臣敢不循行郊原延見父老道上德意俾各懷自愛之心閭民咸休勿使有多暴之俗

居御底日雖古人歷象之常後天奉時乃聖主彌綸之化惟時頒朔予以授民星正仲春不失省耕之序陽居大夏仰體好生之仁承流之臣撫心知幸中謝恭惟皇帝陛下循堯之道行夏之時履端歸餘上幹周天之度務農重穀下底蒸民之生肆於正歲之初嚴乃清臺之謀布在方冊允釐百工臣敢不布宣寬書勸相農畝諭以上意靡容帝力之不知寬其力征抑使農時之無失

知成都謝到任

代竹坡先生黃時若應蜀中文字並同

掌邦教於通聘庸弗效殷帥藩於遠服聞命若驚並懷綏以遐征已褰帷而弛止具以朝廷寬大之意告諸

田里愁苦之民

中謝

伏念臣一介妄庸半生艱苦饑寒

不恤姑為投牒覓舉之謀州縣徒勞不作結綬登畿之夢試邑偶逃於吏議入京遂廁於朝行歲月推延馴至上當於言責風波橫潰幾何不陷於既機保全迄賴於皇慈獻納晉陞於禁路奉雲陽之璫玉莫輸許國之忠問杜曲之桑麻漸起歸田之興屬廟謨之經遠移制幕

欽定四庫全書

格第四六

六

以改紘挽垣忽誤於出綸井絡遂從而分閭蕃錫有加於典察廉廉旁暨於鄰封仍疏次對之恩增重十連之寄寵逾深而莫報責愈重而難勝陛下天拱一堂子來萬宇不泄過不忘遠要皆如出於京畿在知人在安民是以不輕於收守不責惟科之巧寧無悃愾之華重時純愚蒙此臨遣願惟四境頗異平時內而閭閻凋瘵之弊深外則羗獠招懷之道闕一龍蛇一赤子人謂斯何為保鄣為繭絲策將安出宜繫綿繭所克堪任臣惟當

精白一心展布四體既庶矣加之富矣願遵涿泗之言欲安之非以勝之或收渤海之效

謝安達所結局轉官

幣餘制用偶逃贖職之誅詔旨疏榮忽冒茂官之典寵光所逮震疊靡寧伏念臣頃汙朝行適尸言責謂迷國之渠已去死有餘辜而和戎之利復成責將安出要當取沒入之產以定為聘好之常勾稽下及於至微滂漏靡容於它弊不圖管見辱被帝俞亦令微臣忝董乃事

欽定四庫全書

格第四六

九

迄有涓埃之補稍符糞土之言皆由聖主聽納之明是能底績至若有司出納之吝何足言勞取國湛恩肆陟典與陛下取周八柄勵舜庶明謂善至小而不遺乃能示勸賞或疑而從于所以廣恩雖去國以遐征亦陞華而下拜臣敢不推廣此意撫摩所臨節用愛人庶國田里富足之效盡所固守抑體廨廟招懷之心

謝宗祀禮成加封邑

合宮歲祀奉瑄莫與於駿奔溫詔疏恩錫羨頓增於邑

入罪靡寵寵莫喻凌兢伏念臣奮自閭閻偏靡簪紱不
稼不穡豈宜多取於禾園是蒙是穡第欲歸安於農畝
密通一純之薦適為萬里之行不圖釐事之告成亦行
會田而拜賜陛下心存寅畏德務寬仁堂秩几筵極天
地鬼神而昭格恩覃四表舉輝胞翟聞而不遺肆令微
臣亦叨大賚臣敢不仰銜厚施俯究愚衷因遂遊以省
耕無非事者發勤耜而盡瘁不素餐兮

謝加龍圖制因任

欽定四庫全書

卷四十六

七

分閭罔功恐坐黜幽之典出綸有命忽叨進律之除是何
宜斥而反遷籍甚以榮而為懼半辭不獲重拜靡違伏
念臣蚤竊儒科晚歷禁從民曹經綬殊深非據之慚松
征菊華屢起歸休之夢偶值龜城之謀帥俾承乏詔以
充員屬干戈甫定之餘而杆軸已空之久雖勤拙相補
里閭稍稍安之然衰病交侵精力駸駸邁矣方上祝釐
之請敢圖錫命之榮誤恩猥被以龍光寵秩載騰於鳳
檢餘方并里已寬廷尉之誅候對松階更冠寶儲之首

陛下天臨廣宇于視遠民察知几案之小材寔維簪履
之舊物雖政拙自注下考僅輸撫字之勞而竊疑所以
廣惠式彰忠厚之意但臣蒿材素下鼠技已窮深虞末
路之難伸使前功之廢敢不益鞭其末圖謹願終抖擻
精神勿蹈尉功之戒逍遙四里終期徒欲之仁

謝平蠻轉官

欽定四庫全書

卷四十六

七

反獠告平僅塞餘方之責恩綸驟至例疏進律之榮循
牆莫遂於牢辭躋地不勝其賁越臣頃承異命出師坤
維封陞遠控於三邊憂責獨深於諸道稽小醜千誅之
故狙積年弛備之餘差飭所臨俾固吾圉先為不可勝
蓋守臣鎮撫之常則莫我敢承亦廊廟威靈之素以至
師徒之薄伐又皆將士之宣勞如臣之愚何力之有乃
拜九重之睿渥使升一等之文階僥踰若斯報稱安所
陛下如天覆幬若日照臨達虞舜之四聰而靡有遺遺
謹周王之八柄而不容倖與察臣雖無善最或能歲計
而有餘欲臣少慰窮塗是以貢疑而從子肆頌恩施以

資衰殘臣敢不仰體隆私益圖末路龍光所逮固當更效於糜捐麗技已窮終冀退安於閑散

謝加直學士再任

邇陟分閫殘更久過於瓜期遠閣陞班申命復煩於茲檢山川如舊寵渥惟新循竭力控於忱辭出時莫迴於成渙伏請溫詔益震危衷伏念臣結納無奇侵尋已老入持禁索論思莫效於嘉猷出帥藩方撫字第勤於拙政方凋瘵瘡痍之未復嗟勞徠安集之良難雖几案篋

欽定四庫全書

卷四十六

三

材或謂頗堪於煩使而蒲柳弱質其如已迫於凋年曩嘗力控於封章止願退安於閑散乃俾解裝而承乏且榮進律以疏榮日往月來倏已復周於歲篇心勦形瘵惟憂虞踰於官歲投誠方竊於丐歸有識咸徵其已晚敢謂峻除於寶度居然就撫於油幢深虞併廢其前功無以仰承於睿澤陛下天臨百辟器使群工欲使蠶叢魚鳧之區如在豐鎬鄠杜之側肆綏遠服重簡淵衷謂道州之考何長姑令撫字而許丞之聲不去可免送迎

皇時頽墮之蹤假此斯須之寵臣敢不恭承明命罄竭謫材老馬力疲末路分甘於伏櫪窮瘝意迫歸心第切於投林

謝東宮贈金盃纈羅香茶

令出震維念屢簪之選棄恩施晉錫旅器幣以下頒倍寶量岩焰之多假暮景窮途之寵整襟下拜刻骨靡忘伏念某飲則一瓢衣維百結身糜朱墨無心燕寢之清香夢遶家山雅意故園之雙井賜予忽來於天上芳珍

欽定四庫全書

卷四十六

三

冀絕於人間妻孥羅拜以感藏父老聚觀而讚歎殿下誠存洞酌善取緇衣奉壺陪祠休有惟馨之德問安決策居多有味之言尚憐流落之蹤首辱從游之舊爰下便蕃之貺俾為衰晚之光某惟當沉酣隆私被服嘉惠祝萬年之遐算誓將求香火之祠生兩腋之清風更冀適山林之願報將安所言莫能宣

宰相

代賀留右相正